

什邡縣志卷四十二

仙釋志

周

李冰秦昭王時守蜀開成都兩江概田數十萬頃時江神歲降祠巫取童女二人為婦冰至約自以其女與江神為婚往李神祠勸神酒神辭逗溜冰厲聲責之因忽不見良久有兩蒼牛鬪於岸傍有冰環流汗謂官屬曰吾鬪急當相助南向腰中正白者我殺也復入水鬪簿佐乃刺殺北面者江神遂絕後治洛水功成遂昇仙去蜀人慕其氣勇凡壯盛者皆曰冰兒
(丁志)

漢

李阿蜀之雒人世傳不老有人名古强者隨阿入青城山恐有虎狼取大刀隨行阿見而怒取强刀以擊石刀遂拆散强雖不敢言竊念刀敗頃之阿復取刀左右擊地刀復如故
(丁志)

隋

劉珍什邡人開皇中居爐州安樂山忽一日取所藏經及鐘磬封於石室曰後六十年當有聖君取之又曰吾功行已成四月之望當上昇遂自以火化是日珍至長安朝見隋文帝自言

什邡縣志

卷四十二 仙釋

一

飛昇事帝未信遣使訪之悉符所言遂為之建三觀焉後唐高宗異其事命啓石室取所藏經及鐘磬以進顯慶中詔李淑書所傳三觀偈宋治平中賜額延真
(丁志)

唐

李真人居龍居寺時修造殿宇寺山木便運者將盡乃過彭門諸山募材木三百餘料置河岸下方欲繫筏遞運一日水漲漂去匠作立候真人指寺左巖下水湧處曰彼有木可往取之匠至果見有大木斜插巖穴中拔之殊不費力轉睫木插如初遂陸續搬運用之不竭寺人驗之即前所募木也廡廡落成後猶剩一木塞穴中拔之不得出至今堅黑不朽寺前有井名秀華忽一日李語人曰我當去矣里人守之夜半見真人佩劍入井遂絕跡唐明皇幸蜀時聞之賜額龍泉
(丁志)

衛真人唐賜希微之號事莫可考墓在縣署左宋端平間邑令吳中玉為立石
(丁志)

按史志續補載衛真人南陽人諱率從兄謂宦蜀過太華山遇異人授以按摩之術後羽化墓在本縣署後左出王子晉仙筆此仙筆不知何書殊荒誕不足信按摩小術亦無賜號真人之理今墓石篆字雙行惠應希微衛真人墓八字旁書端平丙申仲春旦邑令吳中孚立丁志無惠應二字又吳中孚作吳中玉按秩官亦作吳中玉未知孰是此墓石是

否原立亦未可知又按後周衛元嵩益州成都人爵蜀郡公潛心至道著易元包宋什那令楊楫序謂初至什謁衛先生祠遇邑進士張景初得其書又云墓在縣麻東偏邑人崇奉不絕是真人墓即元嵩或自成都遷什故祠墓俱在什乃北周人非唐人也但不知唐時何以有惠應希微真人之號楊序亦未之及且稱衛先生則謂唐賜希微之號者或後世附會之辭與抑或別有衛先生墓而今失之與姑並識於此以備考(紀大奎識)

陳什那唐明皇入蜀時貴妃雖死上竊憶之召陳行齋壇禮求神於冥冥上彷彿見妃若平日狀但不可近耳厥後一夕語其徒曰爲生勝耶爲死勝耶衆曰生勝良久曰爲汝輩再住三年如期而化號玉川(丁志)

波崙明皇時高僧心殊會傳云帝聞波崙師道德神異召至闕賜金劍寶鉢師欲歸遂先飛劍回至此落古井中後因建寺號曰慧劍今井在正殿中壓之歷年人不敢開視按維摩經云以智慧劍破煩惱賊寺之名或亦本諸此(丁志)

馬大師名道一什那人俗姓馬氏生於唐中宗景龍三年容貌奇異幼落髮受戒於渝州圓律師唐開元中安禪衡山遇懷讓師密授心印闡道江西宗風大衍後行建昌石門山見有洞鑿之幽謂其徒曰吾當棲此遂沐浴跣跣而逝年八十元和中賜號大寂禪師(劉志)

什那縣志

卷四十二 仙釋

一一

明

了恩法號慧山邑羅漢寺僧邛縣左氏子避難於鑿華山中亂定後乃於洪武四年創修殿宇閱十載而始成後應太祖詔試天下高僧恩呈偈云不會看經不會禪也無佛法與人傳有人問我西來意那箇屋頭無片天奏入太祖覽嘉之授縣僧會給符歸寺兼攝九州縣僧見馬祖錄

明本漢州人少育於姊丈高晟家一日採薪山中驢不行怒砍其耳血流被地心頓悔悟因祝髮爲僧入什那高山寺坐鉢修行極苦坐化之日採藥人有自鑿華山來者見本隻履入山云失一履於禪榻下可令吾徒寄來見者至寺方知其已化云(見通志)德陽治東有歪腦山天順間廣漢僧明本見山巒翠秀結廬絕頂靜修多年一日山忽大撼師因去徙什那之鑿華山(德陽志)查師號德崑江氏子父彥斌母齊氏祖籍江南句容人洪武間欽調松潘衛汎守因寓在廣漢永樂五十年丁丑生師父母先後故因依高晟(塔記)今鑿華僧仁讓其嫡派法裔(劉志)

道以周孔爲宗事以庸常爲沂奚必事佛老哉然而猶龍之目出自尼山彼佛圖澄鳩摩羅什輩亦非尋常什邱也惟得其真不惑其術且益以驗吾道之確乎不易斯爲得之矣

司馬光解禪頌曰忿氣如烈火利欲如鈿鋒終朝長戚戚是名阿鼻獄一顏回安陋巷孟軻養浩然富貴如浮雲是名極樂國二孝弟通神明忠信行積善來百祥是名往因果三仁人之安毫義人之正路行之誠且久是名光明藏四言爲百世師行爲天下法久久不可掩是名不壞身五道義修一身功德被萬物爲賢爲大聖是名菩薩佛六諷詠斯言所謂得其意不感其術者也（史志朱音恬藏）

什邡縣志

卷四十二 仙釋